

21

IVSTINIANVS PARTICIPATIVS

D U X X.

Electus Anno 828. obiit 829.

S C H E M A V E T V S.

Corporis alta datur mihi Sancti gratia Marci.

X



DEfuncto Angelo patre, Iustinianus capit ipse Rempublicam administrare; revocatumque ab exilio fratrem Ioannem, Populo reconciliavit, & Imperii Collegam assumpsit. Primum ei pro Religione Bellum adversus Sarracenos, qui occupatâ Hispaniâ, in Siciliam, Calabriam & Apuliam victoriis tumidi vela ferentes, barbara conabantur imponere jura Mari. In hos bis movit, rogante *Michael* cognomento *Balbo* Græcorum Imperatore Iustinianus; quem Deus non solum læto fine beavit, sed sacris muneribus auxit, allato illis diebus Alexandria, per *Bonum* Matamaucensem, & Rusticum Torcellanum, D. Marci Evangelistæ corpore, quem pro suo Numine Tutelari Respublica excepit venerabunda. In tantæ gazæ nau-